

## **PRIJEDLOG**

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 47. Zakona o pravobranilaštvu Unsko-sanskog kantona („Službeni glasnik Unsko-sanskog kantona“, broj: 20/04 i 8/17), člana 13. Odluke o osnivanju Općinskog pravobranilaštva Općine Velika Kladuša („Službeni glasnik Općine Velika Kladuša“, broj: 5/05) i člana 32. Statuta Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša, na prijedlog Općinskog načelnika, na svojoj \_\_\_\_ redovnoj sjednici, održanoj \_\_\_\_ .2022. godine, donijelo je

### **O D L U K U** **o imenovanju Općinskog pravobranioca u Općinskom pravobranilaštvu Općine Velika Kladuša**

#### Član 1.

**SANDA ŠERTOVIĆ**, diplomirani pravnik iz Velike Kladuše imenuje se za Općinskog pravobranioca u Općinskom pravobranilaštvu Općine Velika Kladuša.

#### Član 2.

Imenovana će stupiti na dužnost \_\_\_\_ .2022. godine.  
Prije stupanja na dužnost Općinski pravobranilac će dati svečanu izjavu pred Općinskim vijećem.

#### Član 3.

Ova Odluka stupa na snagu danom donošenja, a objavit će se u „Službenom glasniku Općine Velika Kladuša“.

**OBRADIVAČ:**  
Služba za stručne i zajedničke poslove

**PREDLAGAČ:**  
Općinski načelnik

### **O b r a z l o Ź e n j e**

#### **MATERIJALNO PRAVNI OSNOV:**

Materijalno pravni osnov za donošenje Odluke o imenovanju općinskog pravobranioca u Općinskom pravobranilaštvu Općine Velika Kladuša sadržan je u odredbama člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 47. Zakona o pravobranilaštvu Unsko-sanskog kantona („Službeni glasnik Unsko-sanskog kantona“, broj:

20/04 i 8/17), člana 13. Odluke o osnivanju Općinskog pravobranilaštva Općine Velika Kladuša („Službeni glasnik Općine Velika Kladuša“, broj: 5/05) i člana 32. Statuta Općine Velika Kladuša („Službeni glasnik Općine Velika Kladuša“, broj: 12/11), kojima je propisana nadležnost, postupak i način imenovanja općinskog pravobranioca.

### **RAZLOZI ZA DONOŠENJE:**

Razlozi za donošenje Odluke o imenovanju općinskog pravobranioca u Općinskom pravobranilaštvu Općine Velika Kladuša sadržani su u činjenici da je aktuelni općinski pravobranilac ispunio zakonske uslove za ostvarivanje prava na ličnu penziju, slijedom čega je, u skladu sa Zaključkom Općinskog vijeća Općine Velika Kladuša, a imajući u vidu da na prvi raspisani Javni konkurs za imenovanje općinskog pravobranioca nije bilo prijavljenih kandidata, Općinski načelnik Općine Velika Kladuša, pod brojem: 02-30/6-226/22, dana 15.09.2022. godine, raspisao ponovni Javni konkurs za imenovanje općinskog pravobranioca Općine Velika Kladuša.

Ponovni Javni konkurs za imenovanje općinskog pravobranioca Općine Velika Kladuša, u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), objavljen je u Dnevnom listu „Oslobođenje“, dana 17/18.09.2022. godine i u „Službenim novinama Federacije Bosne i Hercegovine“, broj: 75/22, od 21.09.2022. godine.

Javni konkurs je bio otvoren 15 dana od dana zadnje objave i na isti su u ostavljenom roku pristigle prijave dva kandidata.

Komisija za provođenje ponovnog javnog konkursa za imenovanje Općinskog pravobranioca Općine Velika Kladuša, imenovana Rješenjem Općinskog načelnika je preuzela od službenog lica Pisarnice Općinskog organa uprave Općine Velika Kladuša prispjele prijave na Javni konkurs i ostali materijal vezano za pomenuti Konkurs i konstatirala da su na Javni konkurs pristigle prijave kandidata, kako slijedi:

1. Handanagić (Izet) Almir, diplomirani pravnik iz Cazina i
2. Šertović (Ramiz) Sanda, diplomirani pravnik iz Velike Kladuše.

Prijave navedenih kandidata su prispjele u propisanom roku, odnosno prijave su blagovremene.

Komisija je izvršila otvaranje koverata, te uvid u dostavljene prijave i priloženu dokumentaciju i konstatovala da su prijave sa potpunom dokumentacijom, te da ista nije kompetentna za daljnje postupanje po Javnom konkursu o čemu je Komisija sačinila poseban Zapisnik i isti, zajedno sa konkursnim materijalom, dostavila Općinskom načelniku na daljnje nadležno postupanje.

Općinski načelnik je svojim Rješenjem, broj: 02-30/6-2226-3/22, od 15.11.2022. godine, imenovao novu Komisiju, odnosno Komisiju za provođenje intervjua sa kandidatima za imenovanje općinskog pravobranioca Općine Velika Kladuša, u sastavu:

1. Senad Okanović, predsjednik,
2. Semir Miljković, član,

3. Alen Didović, član,
4. Emira Tabaković, član i
5. Rasim Husić, član Komisije.

Komisija za provođenje intervjua sa kandidatima za imenovanje općinskog pravobranioca Općine Velika Kladuša je od Komisije za provođenje ponovnog javnog konkursa za imenovanje Općinskog pravobranioca Općine Velika Kladuša preuzela konkursni materijal i odlučila da se sa kandidatima koji ispunjavaju opće i posebne uslove iz Javnog konkursa i čije prijave su blagovremene provede intervjua.

U tom cilju kandidati su pismeno obaviješteni o vremenu i mjestu održavanja intervjua.

Komisija je prije održavanja intervjua sa kandidatima čije prijave ispunjavaju uslove iz Javnog konkursa utvrdila listu pitanja (tema) za intervjua koja su u istovjetnoj formi postavljena kandidatima koji su pozvani na intervjua.

Dana 24.11.2022. godine, Komisija je obavila intervjua sa svim pozvanim kandidatima.

Prije pristupanja intervjuu prijavljeni kandidati su potpisali izjave da su upoznati sa standardom ličnog integriteta koji se traži za lica imenovana na javnu poziciju i da su pitanja o sukobu interesa objašnjena i detaljno razmotrena, te da su upoznati sa mogućnošću ulaganja prigovora protiv predmetnog imenovanja koje se razmatra.

U skladu sa odredbama člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), provodeći postupak intervjua sa kandidatima koji su se prijavili na raspisani ponovni Javni konkurs za imenovanje općinskog pravobranioca Općine Velika Kladuša, a nakon obavljenog intervjua sa kandidatima i izvršenog glasanja, Komisija za provođenje intervjua sa kandidatima za imenovanje općinskog pravobranioca Općine Velika Kladuša, jednoglasno je utvrdila **R A N G L I S T U najboljih kandidata za imenovanje općinskog pravobranioca Općine Velika Kladuša i istu dostavila Općinskom načelniku na nadležno postupanje, i to kako slijedi:**

1. Šertović (Ramiz) Sanda, diplomirani pravnik iz Velike Kladuše,
2. Handanagić (Izet) Almir, diplomirani pravnik iz Cazina

Uzimajući u obzir rezultate intervjua i svu drugu konkursnu dokumentaciju, kao i činjenicu da je Komisija jednoglasno utvrdila prethodnu Rang-listu, te ocjenila da postoje svi potrebni uslovi da Općinski načelnik, u skladu sa zakonom i svojim ovlaštenjima, utvrdi prijedlog kandidata za imenovanje općinskog pravobranioca Općine Velika Kladuša, to se iz tog razloga isti Prijedlog i upućuje Općinskom vijeću na nadležno postupanje.